





成君

竹軒詩集序



君原常之為詩既博取選唐

中州而長之故發乎情者雖若

憤慨思憂與夫婆婆暇豫也而

無不深致其功焉余在廣陵時

嘗與周游乎山僧塾士之寓或

臨大江眺群峰或升蜀岡坐茂



榭未嘗不詩是作也其或風日  
之朝燈火之夕樽俎前而几杖  
後未嘗不詩是談也方其索句  
雖與之論說應答而中實注思  
揣練有得則躍以喜一字或  
聲必帖乃已信乎深致其功也  
如此間嘗語余曰吾仕宦無天

分園田無先業學藝無他能唯  
習氣在篇什朝哦夕諷聊以自  
娛其間逸非復求聞於世也仲  
舉深知我得不能薦之以言而時  
出以自省乎余誼不容辭且跋  
涉世故未能一引筆也今乃不  
遠數千里緘所作居竹軒稿以

尋宿諾焉遂為書於編曰余學  
之大氏詩以法為守呂聲為準  
以神為用故法貴整嚴法不整  
嚴則聲為之散矣而聲貴諧婉  
聲不諧婉則神為之黯矣而神  
貴飛動神不飛動則徒法矣三  
則猶持衡然首重則輕末重則

軒唯適於稱焉尔若詩亦稱矣  
固平昔所深許者也又將焉告  
輒為正誤五字且錄之而藏于  
銳閣之竹素房河東張翥書

居竹軒詩集序

成君原常隱居廣陵養太夫人  
甚謹曰不出求仕其與所遊多  
至尊顯亦莫有薦用之者四方  
士之過淮東或久留或即去必  
以君為之依君周旋款洽曲盡  
其意於是藹然長者之譽君好

讀書尤工於詩比得其詩一編  
其憂時而閔俗憤世而嫉衰及  
其盛也則有凌雲霞入霄漢糠  
粃萬物之興要皆發乎至情非  
昏所勉強矯揉而為之者也李  
唐之世能詩者最多而工部負  
外郎杜公為甚豈非以其忠君

愛國之意類詩人之思致君之  
詩蓋於是歎嗚呼杜氏所遭之  
時干戈搶攘生靈塗炭危若綴  
旒故其言之哀痛迫切殆不期  
然而然後世能知之者唯王荆  
公梅都官而已讀二君子之為  
賦未嘗不掩卷而太息若乃憲

宗之世命將相平吳元濟于淮  
右時則有若栢刺史表上平淮  
夷雅自呂為施諸後代佐唐之  
光明今天子詔遣大臣出討首  
拔彭城旬日奏捷以君之才當  
效栢氏作上之朝廷以配江漢  
常武傳示于無窮不既盛矣乎

曰書以歸之至正十二年孟冬  
五日臨川危素書

居竹軒詩集序

余嚮在廣陵識成君原常雖居  
于市廛而植竹庭院間綽有山  
林意趣扁其燕息之所曰居竹  
日與高人碩士遊行吟舉觴悠  
然自得應立務之可尚可慕者  
視之若浮雲唯意於詩五言務



自然不事雕剗七言律竄為工  
深合唐人之體其交游則仲舉  
張公為忘年友載酒相過殆無  
虛日故其詩之音律體制蓋有  
得于仲舉者多焉擾攘以來飄  
泊南北復會于吳門與先生  
游年已七袞餘矣怡然如常時

無異所作之詩視昔為尤進而  
流離悲壯之態感慨激烈之情  
有不能自己者今先生已歿于  
雲間其全集未獲盡見姑以所  
得於吳中并昔年記憶者若干  
首乃得先生故人劉君於讓彙  
而授之耕岩刻梓以傳甚盛事

也故序其大概于篇首云京兆  
部肅序

居竹軒詩集序

古人評詩必觀出處之大節與  
其所遭之時而後人之賢否不  
離于性情文字之間已可見矣  
大抵治平之時其聲和而婉顯  
榮之人其氣舒以安不然則太  
息於干戈擾攘之際者多迫切

之詞呻吟于牛衣雀垤之下者  
多憤激之態其去溫柔敦厚之  
教益以遠矣何足以垂于不朽  
乎往者河東張公仲奔以詩鳴  
于廣陵追而和之者胥成君原  
常焉南北之士一時莫不稱讓  
其後張公被召入翰林躋顯仕

所以黼黻聲猷詠歌所志者其  
境順而易而原常栖遲山林繼  
罹兵革年日以衰身益日困顧  
以忠厚之氣發而為和平之聲  
卒亦南張公相頡頏所謂送而  
難者也余識原常于吳門覩其  
扁舟往來于洞庭笠澤之墟道

遙之雲水之上凡所涉歷一寓  
于詩能揣練六朝之情思以入  
唐人之聲律變化尋常之言為  
警拔之句終歸于適其性情功  
為忠厚而已夫豈置一毫窮鬱  
不平之態於其間哉昔孟浩然  
一失意于明皇猶不能忘情于

篇什陸魯望在唐之季每寄曠  
于煙朝月夕之外若原常者雖  
不遇而終無憾焉其詩可傳而  
其為人可知也丙午歲吳中鄒  
奕序

居竹軒詩集序

居竹軒成先生曩居廣陵南先  
君及善每侍談論日覺終日服  
膺請益積有年矣風塵瀕洞各  
天一方後審先生寓雲間則已  
捐館哀悼之餘思先生平昔留  
意詩什膾炙四方先生雖亡而

有未嘗亡者存焉以余向所誦  
記及今收采于友朋者分彙成  
帙以壽諸梓嗚呼以先生之才  
之德而肥遁夷猶吟哦自放樂  
乎天而不求于人者先生之志  
也至若晚年遭亂奔走艱難鬱  
抑謝立使人若不能無憾者卷

中所存莫不鏗鏘珂珮而追躡  
風雅邇昔賢齊驅則先生又何  
憾哉謹以諸名公所序先生出  
處及贊詩之工妙者刻于卷端  
因述余所不敢忘先生者以綴  
於後中山劉欽謹識

居竹軒詩集總目

卷之一

操

古詩七言

古詩五言

卷之二

律詩五言

律詩七言

卷之三

律詩七言

卷之四

絕句五言

絕句七言

總目終

居竹軒詩集目錄卷一

操

題王彥龍所藏三茅郎玄隱墨蘭

古詩七言

送周草窓尊師歸廬山太平宮

題婁仲瑛山居畜

送天長教諭孫允誠

丁十五歌

春夜曲



江南曲

戚之行

射鴨謠

衰老卒

聞中原河決盜起有感

題方壺遙山古木圖

熊松雲畫秋林詩意圖送蔡伯雨

道士歸上清松雲在淮陰今其

來因見題以贈之

辛卯秋旱

襄氏二節婦

送萬嘉會

湘江秋遠圖

送李教諭

四明張文海

半山歌為餘干周隱君作隱君早

歲江湖中有半山行藁三十年

晚歸剡山終老焉

雪舟歌

悲徐州

題畫史

延祐三年東平申屠先生掾山南

憲司行部夷陵毀曹操祠為孔

子廟歌頌賦論者夥矣後四十

年余亦賦一首

題舟中看月圖

從軍曲

謝雪坡送饒介之鱸魚一尾介之

有歌索次其韻

奉書岳忠武王詩集傳後

馬國瑞所題李龍眠畫赤黑二馬

相戲卷子

題瞻雲軒

題張天民荆南精舍

謝馮仁伯惠雙鷄

六合郭節之

槎山歌為胡雲夫作廣西憲史雲  
夫家于德安之槎山累世矣至  
正十二年秋中臺計事回至廣  
陵聞漢上兵後山居亦蕩然已  
慨然思親而不可歸馮太守書  
槎山二字為贈朝夕展玩姑慰  
其心

劉商觀奕圖  
題墨梅

題蘇昌齡西秋江送別圖贈湘中  
江可翁

李長卿遂樂軒  
宋君瑞存恕堂

沽酒行  
兵部危太朴即中家于臨川雲林  
山上請方壺作雲林圖太朴

索詩賦此  
月二十日同李希賢遊范文正

公義莊登天平靈岩兩山希賢  
有詩因次其韵

夜泊陳店舟中寫懷兼東雲林高

士

醉樵歌

和楊孟載春愁詩

長江送別圖

張士先雙桂堂

古詩五言

題晚香亭

賦得龍門

儀真館驛

雜興三首

賦標杜之詩一首



居竹軒詩集卷之一

京北部  
中山劉

肅彥清校正  
欽叔讓編類

操

題王彥龍藏三茅郎玄隱墨蘭

登勾曲兮常良攬薜帶兮筠裳繫白駒兮  
空谷葆九鳳兮扶桑汎光風兮既零兩水  
淺兮石楚兮望夫君兮不來悵清風兮  
日將暮

古詩七言

送周草窗尊師歸廬山太平宮

匡廬之山仙所居  
銀河倒蘸青芙蓉  
三千里路昔一往  
十八社友今何如  
向來匡君結廬處  
至今海月懸高樹  
水流花落春復春  
洞府蒼茫隔烟霧  
西風蕭蕭吹短衣  
賣藥脩琴不歸去  
潯陽潮落海欲枯  
幾時再得麻姑書  
挂風不跨林下虎  
回仙骨顧盤中魚  
幸留神物守丹鼎  
近喜弟子迎飈車

世間信有揚州宦  
看汝乘之上寥廓  
晴窓須理白雲篇  
爽氣仍開紫霞閣  
神中寶劍且藏鋒  
彭蠡小龍方睡着

題婁仲英山居圖

近代幾人畫山水  
郭界無人朱敏死  
後之作者徒紛綸  
得骨得皮誰得髓  
聞君掃却山居圖  
令我見之心獨喜  
前山環伏虎蹲後  
山奔騰若龍起  
綠溪草堂星散居  
嘉樹陰、雲旒、豈無采藥古仙人  
亦有看書

兩君子七十老翁居竹間老去胡為在城  
市君如有意肯相過貌得滄江弄清泚

送天長縣學教諭孫允誠任滿歸

金陵

憶昔君方少年日文帝潛宮曹一識龍飛  
上天不可拔圖畫空餘兩竒石閉戶讀書  
三十秋一線為官十領戍天長令尹莫我  
知首藉朝盤勝肉食三年官滿來揚州  
屋正近橫江樓門前車馬日如市談經溝

易皆公侯公侯滿座即沽酒典却篋內青  
龍裘鄉心苦憶長千里明日君當渡烟水  
中山李桓文中雄乃是君之渭陽氏深夜  
再拜如母存故宅重歸令客喜豈無舊業  
問松筠亦有清輝照桑梓青雲熟路君何  
如白髮滄江吾老矣

丁十五歌

丁十五一百健兒如猛虎幾年橫行青海  
頭牛皮裁衫素作弩射陽湖上水賊來白

晝殺人何可數將軍宵遁旌旗空倭甲  
刀賊為主西村月黑妻哭夫東塢山深  
尋女屋廬燒盡將奈何往々移家入城  
府不是丁家諸健兒仗劍誰能剪狐鼠  
樓頭醜酒齊唱歌爭剖賊心歸冢鼓官  
中無文立賞功還向山東販鹽去

春夜曲

芙蓉樓前拜新月寶鴨微薰透銀葉  
吳山楚水送遠游不管閨中照離別  
誰家玉鈎

飛上天一似連環舊時缺々多圓少  
將奈何一寸愁腸萬里結為郎白苧  
裁春衣又恐月圓郎未歸

江南曲

吳姬當壚新酒香翠綃短袂紅羅裳  
盆十千買一斗三杯五杯來勸郎  
落花不解留春住似欲隨郎渡江去  
酒醒一夜怨鶻啼明日蘭舟泊何處

戚戚行



戚：復戚，白頭殘兵向人泣，短衣破綻，露兩肘，自說行年。今七十，軍裝費盡，無一錢。舊歲官糧，猶未得朝堂羽書。昨日下午，帥府然燈，點軍籍。大男荷鍾，北開河中。男買刀南討賊，官中法令有程期。笳鼓發行，星火急。阿婆送子，嬾送夫行者。覩之，猶嘆息。老身今夕當守城，猶自支更月中立。

射鴨謠

阿儂手挽竹枝弓，射鴨綠楊湖水東。三三

五五似學武，一箭誤中雙飛鴻。前船唱歌後，船哭月黑湖中。夜潛伏東海，健兒不敢過人命。幾如几上肉，老翁入縣前致詞。昨夜全家猶野宿，丁寧門戶且勿開。明朝又怕官軍來。

哀老卒

白頭老卒衣欲穿，日織屨能幾錢。點名去討海東賊，別家泣上城南船。自云十五入行伍，掠陣爭誇力加虎。賣刀買酒看升

平六十年來不用武將軍醉即騎馬歸猶  
散黃教歌舞中原上馬賊更多白晝殺人  
誰作主我今老去死即休白骨填海何人  
收朝堂昨日下黃榜誰家年少當封侯

中原河決盜起有感

中原九月黃河水平陸魚龍吹浪起飛霜  
蕭蕭鴻雁來未忝漂流桑棗死大風怒號  
揚飛塵白晝剽掠如無人官軍不誅海東  
賊縣吏乃殺西村民夜聞羽書起丁力老

稚傲：向誰泣我當六十將奈何扶杖淮  
南望淮北

題方壺及遙山古木圖為桂元

芳賦

千年老蛟方斲骨蹇偃長身擘厓出山樵  
熟澗不敢近似有雷霆護神物仙人來自  
方壺山何以寫此留人間膠枝風動鐵交  
屈蒼皮雨溜苔爛端薌溪先生讀書處對  
面高標起烟霧會將用汝作靈槎八月因

之上天去

熊松雲畫秋林詩意圖送蔡伯雨  
道士歸上清松雲在淮陰今其來  
因見題以贈之就以東送方壺隱  
者

松林先生江海客淮陰市中人不識驚風  
吹沙眼倦開枕上青山歸未得上清蔡君  
仙之徒解后同覓黃公壚歛酣脫帽忽大  
叫乘興為寫秋林圖蔡君視之一撫掌筆

法擬我方壺我家山中舊遊處如此長  
松幾千澗仙巖隱者抱琴來鬼谷高人喫  
茶去先生有意肯相從分與東頭一間茆  
屋住

辛卯秋早已極至八月晦天大雷

雨

八月晦日雷怒號大雨如注風蕭騷捷如  
鬼神撼山嶽湧若江海翻波濤屋茅平卷  
一重去河水忽漲三尺高驚鴻翅濕飛不

起散亂中澤呼甚曹雲龍有意洗兵甲下  
與蒼生舒鬱陶浮雲收歛赤日見天宇廓  
遠無纖毫歲年不逢亦偶爾吾將種麥畊  
東臯

裴氏二節婦之詩為屯田房千戶

作

井年夫君死漳戍恨不從之泉下去有弟  
萬里負骨歸獲鹿原頭與封澍是時孤兒  
方孑行天地容身復何處此心匪石之可

移誓欲教兒如汝父兒成取嬭身始閒一  
旦兒忘豈能顧婦姑相守到白頭至今不  
識門前路夫家趙郡知幾年鄉里嘗旌兩  
節嬭向來我識房將軍乃是節婦之姪孫  
歲時寧忘俎豆事水早肯廢雲山屯忠臣  
烈女有如此千載義事輝高門

送萬嘉會教諭之山陽

西江萬君頭戴笠清時典教山陽邑王侯  
折簡不可招令尹之前只長揖浞衣上堂

開講筵衿佩鏗鏘如鵠立六經字在所  
行要使儒風更俗習朝盤苜蓿甘如飴不  
羨諸公謀肉食人材作養期有成他日當  
為教官式

湘江秋遠圖

蒼梧愁雲拂烟水日暮無風波自起何人  
吹簫作鳳凰披髮臨江迎帝子黃陵女兒  
情更多却掩冰絃淚如洗千年遺恨人不  
知坐對空山疑夢裏

送教諭避亂歸鄱陽

長淮九月秋風高水恠百出生波濤吳檣  
楚柁不敢渡人命委弃如鴻毛山精白晝  
作鬼語野狐黑夜如人嗥縣齋博士最憂  
者中宵起聽荒雞號豈無強弩射其上稔  
來磨損胸中刀平生讀書弗見用拂衣歸  
臥番江臯知幾未落季鷹後對客且放元  
龍豪東書三日先告別令我不樂心忉忉  
時運忽來烏可遏憂患卒至將安逝高歌

激烈不肯住哀柳何以維輕舸臨歧大醉  
意不已更過西家沽酒醪

四明張文海母婁節婦詩

貞節之婦何代無大節直與忠臣俱高風  
凜凜出肝胆皎如日月行天衢江淮喪亂  
復何有衣冠掃地悲窮途眼明見此節婦  
傳胸中憤氣為之蘇夫君疾病有遺語身  
後之事當何如上有高堂之老姑下有乳  
哺之二雛浮雲無根白日短黃塵有尽滄

溟枯滄溟易枯日易短妾心到死終難渝  
夫君一去三十載二雛孺立今為孺迨來  
世俗薄如紙撫琴南望空嗟吁為臣不能  
報明主七尺有軀空丈夫嗚呼七尺有軀  
空丈夫

半山歌為餘干周隱君作隱君早

歲江湖中有半山行藁三十年

晚歸冠山終老焉

番陽臺上生春草湖外之山為誰好滄波

日日送征帆多少行人此中老翁昔少年  
初遠遊吳楚東南事出討江海詩名三十  
年盡攬風烟入行藁歸卧冠山一半雲知  
足由來合天道黃金似水供歲時白髮如  
霜照清昊却留一半與諸君若個似翁歸  
亦早傍人錯比爭墩翁若聞之應絕倒

雪中歌為王子中賦

王郎不知何許人一舟橫之江之濱風清  
月霽未肯出滄洲獨與天為隣洞庭烟水

兩寂寞十年不見君山春北風三日雪太  
作挂蓆張帆以為樂手中鐵笛吹紫鳳身  
上氅衣如白雀拍浮滿載百壺酒奚足蓬  
窓供獨酌剡中隱者毋相疑廼興戴老同  
襟期更蘭酒盡雪未止趣棹欲返猶遲  
今夕何夕此乘興千載未必無人知

悲徐州

彭城八月風塵起數郡義兵多戰死良家  
子女復何辜盡作黃河水中鬼髑髏填海

幾時歸千古沈寃無處洗王師一日天上  
來虜船夜欲浮橋開守橋將軍不敢敵狂  
瀾倒瀉聲如雷三山回望平如掌野曠猶  
聞金鼓响軍中少年當封侯爭入轅門請  
功賞江邊老翁死即休血液沾襟空白頭  
題畫史王夢麟卷

老翁窮居廣陵市四壁蕭然祇圖史題詩  
不博一文錢空瓦磨窮空費紙不如鄉里  
諸妙年翰墨游戲王公前解衣盤礴作山

水一幅何惜千金捐何人最得滄洲趣麟  
也於今稱獨步狂吟寄興肯相過畫我東  
橋竹居趣

延祐三年東平申屠先生掾山南  
憲司行部夷陵毀曹操祠為孔子  
廟歌頌賦論者夥矣後四十年余  
亦賦一首

西陵歸來忽千古操也何嘗稱魏武黃牛  
峽口不曾來亦有巴人建祠宇巴人日日



迎送神男能唱歌女能舞一方說是鬼奸  
雄血食依憑出巫語精靈託汝據荆襄魂  
魄何由歸鄴許今年偶值申屠君削吾尊  
壘徹吾俎范々窮壤復何之夜々荒林怨  
風雨無顏可見山陽公有恨猶思茂林土  
當時賊漢豈獨孤同日舉兵皆可數高文  
一落在人間只得群公削狂虜寄與扶傾  
濟弱人慎勿欺心背其主

題顏秀才藏舟中看月圖

放船晚作南湖遊一葫蘆酒當船頭白雲  
翩衣紫霞帔松風吹髮寒颼々少焉月出  
景零亂散作百頃玻璃秋有月復有酒不  
飲令人愁謫仙在何許空葬青山頭我家  
草堂月更好何如返棹歸來休痴人不飲  
月亦羞素娥起舞我摘阮對飲豈必論觥  
籌千載與月同風流

送澧州治中王伯顏征蠻詩

大風吹沙揚飛雲五漢白晝纏妖氛鼎民

瀕洞走無路何人靖難收奇勛捍城惟稱  
納太守殺賊唯數王將軍將軍行年未五  
十上馬揮戈勇無敵島夷振動江水翻日  
昃不令走一賊將軍亦是人中雄一日過  
我淮之東腰間寶刀血不滅提出歎忽生  
悲風樓船載得詩千首不羨黃金高北斗  
刻向武林山上頭詩與英名同不朽

從軍曲

征馬蕭蕭車流少年少兒郎新結束廟前

無酒發行裝山路崎嶇行未熟主來不識  
征戰塵驕馬轉鞍車折軸徘徊相顧奈尔  
何丞相令嚴風火速妻子歸來哭倚門今

夜君月中宿

謝雪坡送饒介之鱸魚介之有歌  
索次其韵

松江之鱸長似人網罟未敢傷其鱗今年  
八月款上市謝侯先得江之津筠簟息脚  
走相送侑以菊露之清醇魯陰先生不得

喚隔屋大叫呼西隣庖丁迎咲老饕喜汲  
井洗出色勝銀篩香搗辣給釁婦去頭截  
尾娛衆賓吾儕醉飽謝侯德此樂何啻千  
萬緡吳五繪殘眇何許闔閭城外猶風塵  
大羹玄酒久寂莫世間滋味元非真先生  
欲眠客且去勿論張翰爭羹尊

奉岳忠武王詩集傳後

班師歸來淚如雨洒向北邙陵上土金杯  
不共半杯來旌旆已入黃龍府姦秦柄國

奈若何世上英雄本無主誰入肯道莫須  
無嗟尔張公作何語一朝行殿受封功錫  
宴湖山看歌舞兩官萬里尚龍沙泉下臣  
飛心獨若臣家有子罪萬死臣心有血一  
斗許君王還肯北征時留釁中軍帳前鼓  
大河落日又風塵撫卷令人哭忠武

馬國瑞所題李龍眠畫赤黑二馬  
相戲卷子一軸索余題詩因題卷  
後

君不見項王烏騅如黑龍蹴踏萬里烟塵  
空五年乘之勇無敵七十二戰收奇功又  
不見白門赤兔來向東神物終屬雲長公  
百萬軍中刺名將疾如健鶻追秋風龍眠  
居士親貌得毛色意態將無同沙場無人  
白日靜平陂淺草青茸：雙蹄直立如變  
化兩尾突起爭豪雄還君此圖三歎息此  
馬忽去難再得江南異事人未知又見麒  
麟東壁

題笠澤金伯祥橫山墓所之瞻雲  
軒

踞湖之上幾千尺下有滄波通笠澤百年  
華屋與荒丘兩地相望淚沾臆親歿知幾  
年抱痛如一日孤雲飛處最關情漠々愁  
魂招不得魂之來兮雲下垂月落分明見  
顏色魂之去兮雲亦空歛忽消沈竟無迹  
悠々飛去復飛來孝子之心豈終極我家  
揚州好墓田老作江南未歸客天涯芳草

又春深夢裏還家作寒食

題張天民荆南精舍

溪有蛟兮山有虎欲往從之道應阻崩雲  
墮地猿攫愁腥風吹衣鬪髀語花開靜澍  
自為春木落深林响如兩斬蛟烈士呼不  
聞驢老人去何許溪山良是村郭非撫卷  
茫然心獨苦日月徒為晝夜賓江山本是  
興亡至先生歲晚早歸來還使居民有環  
堵

謝馮仁伯惠雙雞

可人送我雙鷄雞五色毛羽生方齊下堂  
呼兒解其縛意欲飛上茅簷棲山家得雞  
如得鳳寧與野雉論高低吾將洗鼎試靈  
藥白晝聽爾雲間啼

六合郭節之聽琴詩卷

天下幾人彈古琴愛之不惜千黃金春雷  
上天霹靂死至今古調空消沉金徽玉軫  
久寂莫斷文剥落塵埃侵鍾期一去不復

泛况迺四海無知音松風冷、白日靜山  
水定以娛冲襟無絃之趣世莫識悠、千  
載淵明心古人今人若流水善聽善彈能  
有幾六峯隱者吾故人得天下名亦琴耳

槎山歌為胡雲夫作廣西憲史雲  
夫家于德安之槎山累世矣至正

十二年秋中臺計事回至廣陵聞

漢上兵浚山居亦蕩然已慨然思  
親而不可歸馮太守書槎山二字

為贈朝夕展玩姑慰其心因題卷  
後

淮水出自桐栢山東流入海何時還胡君  
引水種林築室正在槎山間槎山清空白  
日靜胡君意雲俱間漢東一夕風塵起雲  
亦高飛幾千里小間有家不得歸却過揚  
州飲淮水飲之為洗冰雪腸今我不樂思  
故鄉驅車明發渡遠道廣海又在天一方  
思親恨不歸來早夢中祇說槎山好他年

歸隱奉親歡白頭同向槎山老

劉商觀奕圖

茅生絕藝天下無何以刻此現奕圖劉商  
見之亦驚倒神妙似與龍眠俱松陰對奕  
者誰子豈非舟里園公乎雲綃霧縠古冠  
佩童顏雪項滄溟枯野樵勞立太癡絕歸  
來始覺仙凡殊斧柯竟化作塵土世間甲  
子真須更老夫只解飲醇酒一著輸羸魯  
放手市廛有地寄閒身却覓南山橘中叟

叟

題墨梅卷子

千年老枝生鐵色雪魄冰魂誰貌得三生  
石上見逋仙獨宿歸來楚雲黑何郎垂老  
客揚州花前勸酒仍風流江城吹笛月未  
落夢回一夜生春愁

題蘇昌齡畫秋江送別圖贈湘中

江可翁

白沙江頭水揚澍正是秋風送君處海門

日出潮欲平把酒娛君，不住揚公廟前  
聞鼓聲多少行人此中去江子于今空復  
情干戈滿地兵縱橫丹楓葉墮山鬼嘯黃  
竹叢薄饑鼯鳴湘中有家不得往時對此  
圖雙眼明

李長卿遂樂軒

遂樂之軒何所逐我識軒中主人意十年  
江海早歸來願受城南一廛地男婚女嫁  
及此時婢箠奴舛供卒歲閉門不出心自

怡阿孫撰杖行相隨綠陰無塵白日靜饑  
飽捫腹看花娛游魚在藻弄清泚好鳥當  
戶鳴高枝幾人適意有如此樂乎天命復  
奚疑

宋君瑞存恕堂

故家獨見先世文采風流一儒索向來松  
雪寫如心題在南堂處居樂門前求藥日  
紛：或有無錢亦持去子孫傳之將百年  
積券如山不知數君為郡馬幾葉孫復戒



諸郎祇存怒九街正尔黃塵深杯酒對面  
干戈侵營、苟、者誰子一毫奚翅爭千  
金傍人笑問尔何以平生苦自如吾心還  
君此卷三歎息坐隅自寫為規箴

沽酒行

街頭酒貴不可沽渴吻甚欲吞江湖手持  
青錢宛若畫家僮走遍東西衢南橋沽來  
不滿斗就坊買得烏雞雞烹雞開酒忍獨  
酌可人好客難招呼今宵醉飽坐復醒燈

前不用兒孫扶

兵部危太朴郎中家于臨川雲林

山上請方、壺作雲林圖太朴索

詩賦此

宇宙有此雲林山三十六峯如髻鬟雲林  
先生讀書處長松芝草非人間白雲裁衣  
亦自足青精製飯何曾慳朝光空濛起舒  
眠人跡迥絕窮躋攀青天蕩、海月出照  
見先生冰雪顏惟有方壺契幽眇貌得仿

佛來塵寰宮中聖人正問道布衣召入蓬  
萊班玉堂給札縱揮洒金櫃啓鑰煩修刑  
于今聽履上霄漢聖人未放先生還山中  
喪亂復何有飛瀑落澗空潺湲青林鳥啼  
野峯發白晝虎嘯松風閒朝廷宴坐見圖  
畫亦應懷我雙佩環方壺生在何處胡不  
問來玉京住魚龍夜落河漢秋却泛靈槎  
共歸去

二月二十日同李希賢遊范文正

公義莊登天平靈巖山希賢詩因  
次韻

闔閭城外草芊芊  
桃花杏花紅爛然  
物華兩岸眼零亂  
畫船春水如登天  
棹歌却轉橫塘去  
山寺鐘聲日將暮  
長松夾迳風冷冷  
曾是先賢旧行路  
老禪蔬食作清供  
留宿白雲最深处  
瓣香復拜忠烈祠  
卮酒誰澆洛陽暮  
清談朝士亦東來  
白髮野翁猶北至  
曉乘竹轎度羊腸  
地豁川平還散步

蘄王墳上無紙錢却讀殘碑不成句一群  
山鳥自驚飛無數野花空嫵媚此中俯仰  
一十年一廢一興皆可舉濡毫拂石重題  
名搔首臨風謾懷古人生身後可奈何欲  
乞南峯一坏土山靈有意肯相容書券便  
當酬地主

夜泊陳店舟中寫懷兼柬雲林高

士時張孟膚同舟

葑門晚發吳淞船手把傳符津吏前五年

別家走未已素髮蕭蕭垂兩肩小龍江頭  
舊遊處東家西家爭招延匆匆會散等過  
鳥風吹湖水春無邊雲林高士獨不見倚  
蓬四望心茫然驚湍疊浪豈作惡渚花江  
草仍爭妍夕陽收港泊陳店入市買魚燒  
荻鞭蓉城公子今最賢賦詩行酒能周旋  
一談一笑燭欵盡野戍不聞鐘鼓傳却憶  
山中小兒女如此明月應未眠

醉樵歌

朝亦不採薪暮亦不採薪蓮徑賒得沽酒  
家入口清辣香且醇一飲三百錢再飲五  
十文興來連欲醉不得一醉已判三千春  
狂歌還容木和大叫豈怕隣翁嗔生來無  
田種秫米亂後有地披荆榛山苍野草挿  
滿笠兒曹錯 芻蕘民王質不飲酒也是  
癡仙人爛柯山在何許一局殘碁自今古  
當壚主人休索錢酒債尋常何足數醒來  
隨處束薪歸却賞青錢送還汝

和楊孟載春愁詩原韵錄寄楊鐵  
崖

小牕病酒厭 臥春色三分二分過仙人  
謾織藕絲長金銅難補菱花破花間蛺蝶  
已雙飛葉底青梅纒一箇絲筆題詩人未  
歸愁腸一似車輪大

長江送別圖題送周平叔之通州  
丞

福山蒼 倚天碧狼山峽 生鐵色兩山

當江作海門力盡神鞭驅不得滄波萬里  
從西來楚尾吳頭天一壁陰風轉地鯨怒  
翻黑霧連空龍起立來舟去楫不敢動袖  
手傍觀唯歎息扶桑浴日飛上天百恠潛  
消杳無迹水光鏡淨山亦佳目送雲帆高  
百尺青霄要路君既官白首窮途我猶客  
烟中隱隱見孤城令我思鄉心轉劇驪駒  
歌罷將奈何倚伏江南望江北

張士先雙桂堂

淮南叢桂天下無張侯堂前生兩株清陰  
嘗棲白頽兔搃枝並立青珊瑚侯也生兒  
有如此丹鳳之雛驥之子素衣老仙天上  
來搗熟玄霜先贈尔

古詩五言

題賀畊叟晚香亭

陶翁本愛菊 屈子亦餐英 兩賢天壤間 千古清風清 翁乎飲輒醉 子也空獨醒 何如賀狂客 不羨身後名 中州有沃壤 喪亂不得畊 種菊數十本 得酒還自傾 自歌仍自和 烏、作商聲 陶然有餘樂 聊復全此生 賦得龍門恭送張德常同知之嘉 定任

來龍起西北萬古壯此門日月互開闔風  
雲恒吐吞龍來海欲立龍去天為昏至今  
兩絕壁上有波濤痕張公東海客邀我坐  
石根仰瞻泰宇淨俯瞰靈渾神物固莫  
測目擊道廼存歲旱當用汝霖雨清乾坤  
儀真向有館驛久廢船馬俱無使  
客不便省委宣使梁克誠拯治一  
新粲然可觀諸公有詩題贈因題  
卷後

昔游奎江城曾過奎江驛庠廡闐無人蕭  
然草盈尺饑鳥噪前楹羸馬臥空櫪廼知  
江南民于焉以當後傳吏苦誅求日夜星  
火急使者既旁午蠶楚漫交集省城若有  
憂選官為蘇息梁君英妙年力可事繁劇  
朝迎南臺官暮送北省客高馬及若星大  
舸密如織宿弊一洗清長才世難得和氣  
回閭閻光華照原隰老夫作此歌奚足頌  
其德豈無覩風者傳之上京國駕言當趨

裝秋霄起雲翻

雜興三首

野蔓被長坂  
秋花翳前林  
登高望孤冢  
涼露忽已深  
團日東出  
瞬息還西沉  
吾親不可見  
哀涕沾衣襟  
徘徊未忍去  
玄雲生夕陰

其二

遙二烟中城  
旗幟互明滅  
大風揚飛雲  
悲笳隱空堞  
獨行臨大河  
足力稍衰歇  
褰衣

欲涉之水深  
不可涉  
吾生將焉歸  
誰與作舟楫

其三

夜坐竹林下  
仰視天茫茫  
浮云起西北  
衆星點無光  
群鳥味靈性  
胡為思南翔  
良辰忽變易  
志士徒悲傷  
願爾保素節  
何勞怨清商

賦樗社之詩一首送大歲大徹二位上人歸日本國樗社之上人自



號也  
東海有標木託根扶桑邊扶桑不汝棄屈  
曲枝相連上拂火龍馭下蔭神鰲淵念彼  
擁腫物豈無人所憐歲公見之喜日夕相  
周旋手執天地爐巢居在其顛朝持秘密  
呪夜清淨禪我欲從子去一笑三千年

居竹軒詩集目錄卷二

律詩五言

上丞相朶兒只國王

瑞麟圖 至正己丑夏五月麟出

泰興縣張村之民筮死之縣尹

馮君寫為圖

題劉孝子傳後泰州海陵縣劉子

彬性孝友與諸弟隱居讀書耕  
以為養曲盡其道親喪塋葬有

異色蛇見又產連理木人以為  
孝感狀元陳祖仁記其事司業  
江存禮目作劉孝子傳為題其  
後

奉題李秋谷平章存日寄其叔父  
李同知安書後

王彥芳御史名其所居之堂曰繡

榮  
賦長律二十二韵題吳江郭州判

索賦

故湖州路同知中憲部公子敬挽  
章

題郭竹簡照磨具慶堂

送郭仲安

登多景樓

六月八日

送潘仲明

劉莊

曉出錢塘門

齋君

登望江亭

寄吳寅甫

寄慈溪普天澤

秋夜雜咏三首

賦林泉民

和謝雪坡

龐山湖泛舟

寄愚隱智

岳虹亭

送陶教授

舟中

送葉以誠

題慶雲東竹水居

秋日

寄安國長老

用張仲奔博士韵送毅景中任長

蘆寺二載

送李斯立

次韵雪詩

夜過吳江

登靈岩山

送澄上人

向年遊龍井過南天竺登二老亭

曾賦二詩

三月二十五日過上洋十六保徐

居士柯莊二首

四月十三日

律詩七言

送張可道

題周伯溫待制為蘇老人篆七十

古來稀有字後

贈六合縣宣差伯士寧曰兵亂滁

泗之間獨縣境蕭然作詩以序

其寔

送王君寶  
寄芊希魯

道士胡道玄常以一舟往來洪之  
東湖

贈數學王隱居

題赤壁圖

吳中五日追念故交李時中李欽

八月十六日送張仲舉至秦郵驛

是夕邵文卿置酒雲峯臺望月

二首

海上

送解伯中赴史館召至正癸未朝  
廷以史事遣使起河東張先生  
于廣陵明年史局開又於廣陵  
徵廬陵解先生廣陵連有二盛  
事

送陳景川

虎溪

寄張仲奉

寄收寔尚書

送李子威御史赴國子監丞時康

魯瞻亦除國子司業

二月十二日

寄孫幹卿

上清盧道士

夜思

環碧齋

蕭萬戶

送謝芝甫

和孟景章

東句曲外史張伯雨

送幹克莊

贈松江知事唐景友三月二十八

日同茅子剛府判郭宗唐推官

同日上官

送浴君玉

題濯纓亭

同諸公遊西城

送陳子山

廣陵岳宮醮夜覘王澹洲高士巖

事

送董運使

送楊士先

九月十日

送王君章

送將作同知明齋

賦崧碧

阮子華

題泰州趙子威太守平反王昉冤

獄事

送芊希魯

寄菴詩

嶽宮

天長縣顏長伯顏

題山居圖

寄題上清鍾秀樓

瑞雪

寄謝方壺

送孫從義

送余廷心

函魚

寄謝察院高德進

送李唐臣

程氏尋樂齋

夜泊青蒲村

河圖精舍

胡道玄高士

贈談子平者

歲拙齋

春日

懷方壺



贈茅山陳鍊師

丘德輔

夏日

送人歸金壇

感時

白雲軒

輓呂州判

題上海天妃宮

次李希賢

登狼山

題西邨草堂

白雲上人

次俞紹堂

笠澤

送夏君美

寄馮仁伯

次曹新民

蔡大掾

過吳江  
宿寧境寺

王仲沔

過磧沙

送韓致用

韓致用夢鶴

送智惠

題韓致用五雲書屋

寧境寺

題張德堂草堂

挽卞隱君

寄吳江塔院斷雲

寄申屠子迪

馮安道

簡張天民

寄崔宗文

寄王左丞

吳江華嚴寺

春日同王仲遠遊

戊戌年

河南陸思顏

寄山陰天章寺靜默

贈李左丞

賀王彥誠

送吳志學

送沈玉泉

三月十五

海陵錢子憲

寄興聖寺琦元璞

題虛白齋

賀顧克善

寄楊子尊

贈謝太守

寄蔡彦文

奉荅道林書記

和南宗上人

送陳性之

奉題杏林詩卷

奉題卧雲軒

題松石軒

題懸厓竹

題壽椿堂

再遊金山寺

題石林茅屋

題双松繫舟圖

送邵彦清

題俞仲桓

宿霍沙

次韵楊太史

送陳希文

題南園小隱

題楊仲德照磨自汴梁歸話中原

荆棘蔽野人烟断絕

重遊虎丘寺

寄題通波草閣

寒舍

題溪南小隱

寒食

送秀岩上人

題上海靜安寺

別茆府判

三月十日

送毛自得

次饒介之

同張仲奉夜宿寒橋

李子英

寄王仲沔

王澹田

送袁季文

送張士行

南城暮春

書

兼  
堂  
書  
畫

聖